



Bosna i Hercegovina  
Federacija Bosne i Hercegovine  
Kanton Sarajevo - Grad Sarajevo  
**OPĆINA CENTAR SARAJEVO**  
**Općinski načelnik**

Na osnovu čl. 25. Statuta Općine Centar Sarajevo – prečišćen tekst („Službene novine Kantona Sarajevo“, broj: 23/04) i člana 4. Pravilnika o dodjeli sredstava za sufinansiranje troškova prijevoza učenika osnovnih/srednjih škola i djece predškolskog uzrasta sa invaliditetom koji imaju prebivalište na području Općine Centar Sarajevo, („Službene novine Kantona Sarajevo“, broj: 11/23), Pravilnika o izmjeni Pravilnika o dodjeli sredstava za sufinansiranje troškova prijevoza učenika osnovnih/srednjih škola i djece predškolskog uzrasta sa invaliditetom koji imaju prebivalište na području Općine Centar Sarajevo broj:13-45-131/25 od 14.02.2025. godine, Odluke o pokretanju postupka raspisivanja i provođena javnog poziva, broj: 13-11-1282/25 od 10.03.2025. godine, Općinski načelnik donosi

## **JAVNI POZIV**

### **za dodjelu sredstava za sufinansiranje troškova prijevoza učenika osnovnih/srednjih škola i djece predškolskog uzrasta sa invaliditetom koji imaju prebivalište na području Općine Centar Sarajevo**

#### **I CILJ PROGRAMA**

Je unaprijeđenje kvaliteta života osoba sa invaliditetom i njihovih porodica, omogućavanje ravnopravnog pristupa obrazovanju kroz obezbjeđenje adekvatnog prijevoza.

#### **II PRAVO NA DODJELU SREDSTAVA**

Mogu ostvariti učenici osnovnih/srednjih škola i djeca predškolskog uzrasta sa invaliditetom koji ispunjavaju slijedeće uslove:

- da imaju prebivalište na području Općine,
- da su upisana kao redovni učenici u osnovnu/srednju školu ili pohađaju neku od predškolskih ustanova.

#### **III NAČIN DODJELE NOVČANIH SREDSTAVA**

Sredstva za sufinansiranje troškova školovanja dodjeljivat će se na osnovu podnesenih zahtjeva, a zahtjev podnosi zakonski zastupnik djeteta sa invaliditetom.

Sredstva za prijevoz dodjeljuju se korisnicima sredstava za:

- kupovinu mjesečne karte za učenika i pratioca (zona A) – za učenike koji mogu koristiti sredstva javnog prijevoza,
- troškove goriva po prijednom kilometru za učenike koji nemaju mogućnost korištenja javnog linijskog prijevoza.

#### **IV POTREBNA DOKUMENTACIJA**

Podnosioci zahtjeva obavezni su uz zahtjev dostaviti slijedeće dokumente (original ili ovjerene kopije):

- a) potvrda o upisu učenika/ce u tekuću školsku godinu;
- b) dokumentacija kojom se dokazuje invalidnost (potrebno dostaviti samo u slučaju kada se prvi put podnosi zahtjev);
- c) potvrda o evidenciji prebivališta lica;

- d) izjava korisnika pomoći/zakonskog zastupnika o udaljenosti obrazovne ustanove do mjesta stanovanja, sa tačno naznačenom kilometražom u oba pravca;
- e) potvrda od banke o otvorenom računu podnosioca zahtjeva (kopija bankovnog računa).

## V TRAJANJE JAVNOG POZIVA

Javni poziv se objavljuje na web stranici Općine i ostaje otvoren tokom cijele kalendarske godine, odnosno do utroška sredstava planiranih za ovu namjenu u Budžetu na stavkama:

- a) transfer za prevoz učenika sa invaliditetom (učenici osnovnih i srednjih škola)
- b) sufinansiranje troškova prevoza pratilaca predškolske djece.

## VI VISINA SREDSTAVA

Ukupan iznos sredstava planiranih za ovu namjenu u Budžetu za 2025. godinu iznosi 55.740,00 KM.

Pojedinačni iznosi sredstava koji se dodjeljuju utvrđuju se na osnovu instrukcije kantonalnog ministarstva nadležnog za saobraćaj, odnosno u skladu sa visinom mjesečnog kupona za prijevoz.

## VII OSTALE INFORMACIJE

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH i podzakonskih akata koji se primjenjuju u Federaciji BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

Zahtjev sa dokumentacijom podnosi se službi nadležnoj za obrazovanje Općine Centar Sarajevo elektronskim putem, preporučeno putem pošte ili putem protokol Općine Centar Sarajevo ulica Mis Irbina 1.

Za sve dodatne informacije zainteresovana lica mogu pozvati broj telefona 033/562-393.

Javni poziv će biti otvoren tokom cijele 2025. godine, odnosno do utroška sredstava za ovu namjenu.